

G E N E S I S.

gu Jacob, ag ràdh, Thàinig sinn a dh'ionnfuidh do bhràthar Efau, agus mar an ceudna tha e teachd a'd' chòdhail, agus cèithir cheud fear maille ris.

7 Agus bha Jacob fa eagal mòr, agus ann an airc; agus roinn e'n sluagh a bha maille ris, agus na treudan, agus 'an crodh, agus na càmhail 'nan dà bhuidhinn;

8 Agus thubhairt e, Ma thig Efau gu h-aon do na buidhnibh, agus gu'm buail e i, 'an sin théid a' bhuidheann a dh'fhanas as *uaith*.

9 Agus thubhairt Jacob, O Dhé m'athar Abrahaim, agus a Dhé m'athar Ifaïc, a Thighearn a thubhairt rium, Fill gu d'dhùthaich, agus gu d'dhilfean, agus ni mi math dhuit:

10 Cha 'n airidh mi air a' chuid a's lugha do na tròcairibh *sin* uile, no do'n fhìrinn *sin* uile, a nochd thu do d'sheirbhifeach; oir le m'luirg thàinig mi thar an Iordan fo, agus tha mi nis a'm' dhà bhuidhinn.

11 Saor mi, guidheam ort, o làimh mo bhràthar, o làimh Efau: oir tha eagal orm roimhe, gu'n d'thig e, agus gu'm buail e mi, agus a' mhàthair maille ris a' chloinn.

12 Agus thubhairt thu, Gu cinnteach ni mi math dhuit, agus ni mi do fhliochd mar ghaineamh na fairge, nach feudar àireamh a thaobh lìonmhoireachd.

13 Agus dh'fhan e'n sin 'san oidhche sin féin, agus ghabh e do na thàinig g'a làimh tiodhlac air son Efau a bhràthar;

14 Dà cheud gabhar agus

fichead boc, dà cheud caora agus fichead reithe;

15 Deich càmhail fhichead bhafnne le 'n fearraich, dà fhichead bò agus deich tairbh, fichead asfal bhainionn agus deich fearraich.

16 Agus thug e *iad* do làimh a sheirbhifeach, gach iomain leatha féin; agus thubhairt e r'a sheirbhifich, Imichibh romham, agus cuiribh dealachadh cadar iomain agus iomain.

17 Agus dh'aithn e dha-san a bh'air thoiseach, ag ràdh, 'Nuair a choinnicheas mo bhràthair Efau thu; agus a dh'fheòraicheas e dhìot, ag ràdh, Co leis thu, agus c'aite tha thu dol, agus co leis iad sin a tha romhad?

18 'An sin their thusa, *Buinidh iad* do d'sheirbhifeach Jacob; *is* tiodhlac a th'ann, a chuireadh a dh'ionnfuidh mo thighearn Efau: agus feuch, mar an ceudna *tha* e féin 'nar déigh.

19 Agus dh'aithn e mar sin do'n dara *seirbhifeach*, agus do'n treas, agus dhoibhsan uile bha leantuinne nan iomaine, ag ràdh, Air an dòigh fo labhraidh sibh re h-Efau, 'nuair a gheibh sibh e.

20 Agus their sibh cuideachd, Feuch, *Tha* do sheirbhifeach Jacob 'nar déigh-ne: oir thubhairt e, Ni mi réidh a' e leis an tiodhlac a théid romham, agus 'an déigh sin chi mi ghnùis; theagamh gu'n gabh e rium.

21 Mar sin chaidh an tiodhlac thairis roimhe: agus dh'fhan e féin an oidhche sin 'sa' chuideachd.